

中華大典

中華大典

歷史典

上海古籍出版社

圖書在版編目(CIP)數據

中華大典·歷史典·編年分典·隋唐五代總部 / 《中華大典》工作委員會,
《中華大典》編纂委員會編纂. —上海: 上海古籍出版社, 2008. 11

ISBN 978 - 7 - 5325 - 5096 - 8

I. 中… II. ①中…②中… III. ①百科全書—中國②中國—古代史: 編年史—隋唐時代③中國—古代史: 編年史—五代(907~960) IV. Z227 K2

中國版本圖書館 CIP 數據核字(2008)第 157949 號

ISBN 978-7-5325-5096-8



9 787532 550968 >

中華大典·歷史典·編年分典

隋唐五代總部

編纂: 《中華大典》工作委員會

《中華大典》編纂委員會

出版: 上海世紀出版股份有限公司

上海古籍出版社

(上海瑞金二路二七二號 郵政編碼 200001)

(1) 網址: www.guji.com.cn

(2) E-mail: guji@guji.com.cn

(3) 易文網網址: www.ewen.cc

排版: 上海傑申電腦排版有限公司

印刷: 常熟市華通印刷有限公司

發行: 新華書店上海發行所發行經銷

開本: 七八七×一〇九二毫米 十六開

印張: 九七·五 字數: 三〇〇〇千字

二〇〇八年十一月第一版 二〇〇八年十一月第一次印刷

ISBN 978 - 5325 - 5096 - 8/K · 1165

定價(全二冊): 六九〇圓

《中華大典》辦公室

主 任：于永湛

副 主 任：伍 杰

姜學中

工作 人員：趙含坤

崔望雲

宋 陽

王雪飛

王 霞

裝幀設計：章耀達

上海市《中華大典·歷史典》工作小組

組 長：王興康

組 員：呂 健

郭子建

占旭東

張旭東

《中華大典·歷史典》編輯部

負 責 人：呂 健

工作 人員：占旭東

張旭東

《編年分典·隋唐五代總部》

責任編輯：李劍雄

後漢隱帝部（起公元九四八年，迄公元九五〇年）

《舊五代史》卷一〇一《隱帝紀上》 隱皇帝，諱承祐，高祖第二子也。母曰李太后。

乾祐元年、遼天祿二年（戊申、九四八）

《舊五代史》卷一〇〇《高祖紀下》 正月庚辰，太傅杜重威伏誅。

《遼史》卷五《世宗紀》 天德、蕭翰、劉哥、益都等謀反。誅天德，杖蕭翰，遷劉哥於邊，罰益都使轄戛斯國。

《資治通鑑》卷二八七 二月辛巳朔，立皇子、左衛大將軍、大內都點檢承祐為周王，同平章事。有頃，發喪，宣遺制，令周王即皇帝位。時年十八。

《舊五代史》卷一〇一《隱帝紀上》 甲申，羣臣上表請聽政，詔答不允，凡四上表，從之。

丁亥，帝於萬歲殿門東廡下見羣臣，尊母后為皇太后。

己丑，徐州節度使王周卒。

庚寅，以前晉州留後劉在明為鎮州留後、幽州馬步軍都部署，加檢校太尉。

壬辰，右衛大將軍王景崇奏，於大散關大敗蜀軍，俘斬三千人。

《資治通鑑》卷二八七 癸巳，大赦。

吳越內牙指揮使何承訓復請誅胡進思及其黨。吳越王弘俶惡其反覆，且懼召禍，乙未，執承訓，斬之。

詔以王景崇兼鳳翔巡檢使。景崇引兵至鳳翔，侯益尚未行，景崇以禁兵分守諸門。或勸景崇殺益，景崇以受先朝密旨，嗣主未之知，或疑於專殺，猶豫未決。益聞之，不告景崇而去，景崇悔，自詬。戊戌，益入朝，隱帝問：「何故召蜀軍？」對曰：「臣欲誘致而殺之。」帝哂之。

《舊五代史》卷一〇〇《高祖紀下》 丙午，鳳翔巡檢使王景崇，遣人送所獲僞蜀將校軍士四百三十八人至闕下，詔釋之，仍各賜衣服。以兵部侍郎張允為吏部侍郎，以工部侍郎司徒詡為禮部侍郎。

丁未，以光祿卿李式為尚書右丞，以禮部侍郎邊歸讓為刑部侍郎，以刑部侍郎盧價為兵部侍郎。

三月甲寅，帝始御廣政殿，羣臣起居。

丙辰，鄴都留守、太尉、中書令、臨清王高行周進封鄴王，北京留守、檢校太尉、同平章事劉崇加宋州節度使兼侍衛親軍馬步軍都指揮使，檢校太尉、同平章事史弘肇並加檢校太師、兼侍中，前邢州節度使安叔千以太子太師致仕。

戊午，以右諫議大夫于德辰為兵部侍郎。

庚申，河中節度使、檢校太師、兼中書令李守貞加守太傅，進封魯國公。襄州節度使、檢校太師、兼中書令魏國公安審琦加守太保，進封齊國公。兗州節度使、檢校太師、兼侍中岐國公符彥卿加兼中書令，進封魏國公。許州節度使兼侍衛親軍副都指揮使、檢校太尉、同平章事劉信加檢校太師。

壬戌，以宰臣竇貞固為山陵使，吏部侍郎段希堯為副使，太常卿張昭為禮儀使，兵部侍郎盧價為鹵簿使，御史中丞邊蔚為儀仗使。

《資治通鑑》卷二八八 侯益家富於財，厚賂執政及史弘肇等，由是大臣爭譽之。丙寅，以益兼中書令，行開封尹。

《舊五代史》卷一〇一《隱帝紀上》 戊辰，靈州節度使、檢校太師、同平章事馮瑋加兼侍中，河陽節度使武行德、滄州節度使王景、華州節度使侯章、晉州節度使王晏，並依前檢校太尉，加同平章事。

庚午，涇州節度使史懿、潞州節度使常思、同州節度使張彥威、延州節度使高允權，並依前檢校太尉，加同平章事。澶州節度使郭從義、邢州節度使薛懷讓，並自檢校太傅加檢校太尉。以前奉國右廂都指揮使王饒為鄆州留後。

《資治通鑑》卷二八八 徵趙匡贊牙兵詣闕，趙思綰等甚懼，「略」癸酉，至長安，「略」殺守門者，「略」思綰遂據城。

《舊五代史》卷一〇一《隱帝紀上》 甲戌，以邠州節度使、檢校太尉、同平章事王守恩為永興軍節度使，加檢校太師。以滑州節度使、檢校太

尉郭謹爲邠州節度使。以前鎮州留後、檢校太傅白再榮爲滑州節度使，加檢校太尉。以陝州節度使、檢校太尉、同平章事趙暉爲鳳翔節度使。以前河中節度使、檢校太尉、同平章事白文珂爲陝州節度使。殿中監任延晧配流鄜州，坐爲劉崇所奏故也。

丙子，鄆州節度使劉重進、相州節度使王繼弘、安州節度使楊信，並自檢校太傅加檢校太尉。以鎮州留後兼幽州一行馬步軍都部署、檢校太傅劉在明爲鎮州節度使，加檢校太師，部署如故。貝州節度使、檢校太傅李殷加檢校太尉。定州節度使、檢校太尉孫方簡，府州節度使、檢校太傅折從阮，並加檢校太師。

丁丑，中書侍郎兼戶部尚書、平章事李濤罷免，勒歸私第。

《遼史》卷五《世宗紀》 四月庚辰朔，南唐遣李朗、王祚來慰且賀，兼奉蠟丸書，議攻漢。

《資治通鑑》卷二八八 辛巳，陝州都監王玉奏克復潼關。

壬午，制以樞密使楊邠爲中書侍郎兼吏部尚書、同平章事，樞密使如故，以副樞密使郭威爲樞密使，又加三司使王章同平章事。

《舊五代史》卷一〇一《隱帝紀上》 甲申，王景崇奏，趙思綰叛，見起兵攻討。

丁亥，幸道宮、佛寺禱雨。

戊子，東南面兵馬都元帥、兩浙節度使、檢校太師、兼中書令、吳越國王錢弘俶加諸道兵馬都元帥，天策上將軍、湖南節度使、檢校太師、兼中書令、楚王馬希廣加守中書令，以陝州節度使白文珂爲河中府城下一行都部署。

庚寅，宰臣竇貞固、蘇逢吉、蘇禹珪並進封開國公。

辛卯，削奪李守貞在身官爵。

甲午，以翰林學士承旨、戶部侍郎王仁裕爲戶部尚書，以翰林學士、左散騎常侍張沆爲工部尚書，以翰林學士、中書舍人范質爲戶部侍郎，以樞密直學士、尚書比部員外郎王度爲祠部郎中，並依前充職。

《資治通鑑》卷二八八 乙未，以寧江節度使、侍衛步軍都指揮使尚洪遷爲西面行營都虞候。

《舊五代史》卷一〇一《隱帝紀上》 戊戌，以宣徽南院使扈彥珂爲左金吾上將軍。

庚子，以左金吾大將軍、充兩街使、檢校太傅劉承贊爲徐州節度使。甲辰，以宣徽北院使薛可言爲右金吾上將軍，以皇城使李暉爲宣徽南院使。

乙巳，定州節度使孫方簡奏，復入於本州。

五月己酉朔，國子監奏，《周禮》、《儀禮》、《公羊》、《穀梁》四經未有印板，欲集學官考校雕造。從之。

《冊府元龜》卷二六《感應》 丙辰，以久旱，幸道宮、佛寺禱雨，是日大澍。

《新五代史》卷一〇《隱帝紀》 己未，回鶻遣使者來。

《資治通鑑》卷二八八 王景崇遣蜀鳳州刺史徐彥書，求通互市。壬戌，蜀主使彥復書招之。

《舊五代史》卷一〇一《隱帝紀上》 丁卯，前翰林學士徐台符自幽州逃歸。

乙亥，河決滑州魚池。

六月戊寅朔，日有食之。

庚辰，以內客省使王峻爲宣徽北院使，依前永興城下兵馬都監。以冀州牢城指揮使張廷翰爲冀州刺史，時廷翰殺本州刺史何行通，自知州事，故有是命。

《資治通鑑》卷二八八 辛巳，以奉國左廂都虞候劉詞充河中行營馬步都虞候。

《舊五代史》卷一〇一《隱帝紀上》 甲申，以皇弟、右衛大將軍承勳爲興元節度使、檢校太尉、同平章事，豐州節度使郭勣加檢校太師。

《資治通鑑》卷二八八 乙酉，王景崇遣使請降于蜀，亦受李守貞官爵。

《舊五代史》卷一〇一《隱帝紀上》 辛卯，永興兵馬都部署郭從義奏，得王景崇報，有兵自隴州來，欲投河中，追襲至鄜城。荆南節度使高從誨上表歸命，從誨嘗拒朝命，至是方遣牙將劉扶詣闕請罪。

丙申，鎮州奏，節度使劉在明卒。

戊戌，以河陽節度使武行德爲鎮州節度使，以宣徽南院使李暉爲河陽節

度使，以相州節度使王繼弘爲貝州節度使。

壬寅，荆南高從誨貢奉謝恩，釋罪。

丙午，以前永興軍節度使王守恩爲西京留守。

七月戊申朔，相州節度使王繼弘殺節度判官張易，以訛言聞。

壬子，以工部侍郎李穀充西南面行營都轉運使。

乙卯，禮儀使張昭上高祖廟尊號，獻舞名并歌辭，舞曲請以「觀德」爲名，歌辭不錄。

《新五代史》卷一〇《隱帝紀》 丙辰，禁捕鸚鵡。

《舊五代史》卷一〇一《隱帝紀上》 庚申，樞密使郭威加同平章事。

辛酉，滄州上言，自今年七月後，幽州界投來人口凡五千一百四十七，北土饑故也。

《新五代史》卷一〇《隱帝紀》 癸亥，契丹鄭州刺史王彥徽來奔。

《資治通鑑》卷二八八 蜀司空兼中書侍郎、同平章事張業，性豪侈，強市人田宅，藏匿亡命於私第，置獄，繫負債者，或歷年至有瘐死者。

甲子，業入朝，蜀主命壯士就都堂擊殺之，下詔暴其罪惡，籍沒其家。

《舊五代史》卷一〇一《隱帝紀上》 乙丑，以宣徽北院使王峻爲宣

徽南院使，以內客省使吳虔裕爲宣徽北院使。

戊辰，以遂州節度使兼侍衛親軍馬軍都指揮使李洪信爲澶州節度使，以澶州節度使郭從義爲永興軍節度使兼行營都部署。

庚午，故兵部尚書李憐贈尚書左僕射。

《遼史》卷五《世宗紀》 壬申，皇子賢生。

《資治通鑑》卷二八八 蜀安思謙謀盡去舊將，又譖衛聖都指揮使兼中書令趙廷隱謀反，欲代其位。

廷隱因稱疾，固請解軍職。甲戌，蜀主許之。

《舊五代史》卷一〇一《隱帝紀上》 乙亥，新授鳳翔節度使趙暉奏，與八作使王繼濤領部下兵同赴鳳翔，時王景崇拒命故也。

八月己卯，以華州節度使侯章爲邠州節度使，以左金吾上將軍扈彥珂爲華州節度使。

《資治通鑑》卷二八八 高祖鎮河東，皇弟崇爲馬步都指揮使，與蕃漢都孔目官郭威爭權，有隙。

隋唐五代總部·綜述·後漢隱帝部

庚辰，崇表募兵四指揮，自是選募勇士，招納亡命，繕甲兵，實府庫，罷上供財賦。

壬午，以郭威爲西面軍前招慰安撫使，諸軍皆受威節度。

甲申，蜀主以趙廷隱爲太傅，賜爵宋王，國有大事，就第問之。

戊子，蜀改鳳翔曰岐陽軍。

己丑，以王景崇爲岐陽節度使、同平章事。

《舊五代史》卷一〇一《隱帝紀上》 癸巳，以奉國左廂都指揮使、閬

州防禦使劉詞爲夔州節度使，充侍衛步軍都指揮使兼河中行營都虞候。以護聖左廂都指揮使、岳州防禦使李洪義爲遂州節度使，充侍衛馬軍都指揮使。

乙未，兩浙節度使、檢校太尉、兼侍中、吳越國王錢弘俶加檢校太師、兼中書令、東南面兵馬都元帥。

《資治通鑑》卷二八八 蜀武德節度使兼中書令王處回請老，辛丑，

以太子太傅致仕。

《舊五代史》卷一〇一《隱帝紀上》 癸卯，郭威奏，今月二十三日，大軍已抵河府賊城，至二十六日，開長連塹畢，築長連城次。

九月戊申，侯益部曲王守筠自鳳翔來奔，言益家屬盡爲王景崇所害。

壬子，郭威奏，破河府賊軍於城下。

甲寅，故夔州節度使兼侍衛步軍都指揮使尚洪遷贈太尉。

《資治通鑑》卷二八八 蜀主以張業、王處回執政，事多壅蔽，己未，始置匭函，後改爲獻納函。

王景崇盡殺侯益家屬七十餘人，益子、前天平行軍司馬仁矩先在外，得免。庚申，以仁矩爲隰州刺史。

《舊五代史》卷一〇一《隱帝紀上》 乙丑，雪。

戊辰，鳳翔都部署趙暉奏，大破川軍於大散關，殺三千餘人，其餘棄甲而遁。

壬申，郭威奏，得郭從義報，今月十四日，鳳翔王景崇兵士離本城，尋遣監軍李彦從率兵襲至法門寺西，殺戮二千餘人。

詔升河中府解縣爲解州。

十月丙子朔，山陵使竇貞固上大行皇帝陵名曰睿陵，從之。

丁丑夕，歲星入太微。

戊寅，趙暉奏，破王景崇賊軍於鳳翔城下。

《遼史》卷五《世宗紀》 壬午，南京留守魏王趙延壽薨，以中臺省右相牒螭爲南京留守，封燕王。

《舊五代史》卷一〇一《隱帝紀上》 甲申，吐番遣使獻方物。

丙戌，右羽林將軍張播停任，坐檢田受請託也。

丁亥，中書舍人張誼實授房州司戶，兵部郎中馬承翰實授慶州司戶，並員外置，所在馳驛發遣。

《資治通鑑》卷二八八 王景崇遣前義成節度使酸棗李彥舜等逆蜀兵，丙申，安思謙屯右界，漢兵屯寶雞。

思謙遣眉州刺史申貴將兵二千趣模壁，設伏於竹林。丁酉旦，貴以兵數百壓寶雞而陳，漢兵逐之，遇伏而敗，蜀兵逐北，破寶雞寨。蜀兵去，漢兵復入寶雞。

己亥，思謙進屯渭水，漢益兵五千戍寶雞，思謙畏之。

辛丑，退屯鳳州，尋歸興元。

荆南節度使南平文獻王高從誨寢疾，以其子、節度副使保融判內外兵馬事。癸卯，從誨卒，保融知留後。

彰武節度使高允權與定難節度使李彝殷有隙，李守貞密求援於彝殷，發兵屯延、丹境上，聞官軍圍河中，乃退。甲辰，允權以狀聞，彝殷亦自訴，朝廷和解之。

《新五代史》卷一〇《隱帝紀》 十一月甲寅，殺太子太傅李崧，滅其族。

《舊五代史》卷一〇一《隱帝紀上》 庚申，大行皇帝靈駕進發。

辛酉，荆南奏，節度使高從誨卒。

壬申，葬高祖皇帝於睿陵。

《資治通鑑》卷二八八 十二月丁丑，以高保融爲荆南節度使、同平章事。

《新五代史》卷一〇《隱帝紀》 己卯，彰武軍節度使高允權殺太子太師致仕劉景巖。

《資治通鑑》卷二八八 辛巳，南漢主以內常侍吳懷恩爲開府儀同三

司、西北面招討使，將兵擊楚，攻賀州，楚王希廣遣決勝指揮使徐知新等將兵五千救之。

王景崇累表告急於蜀，蜀主命安思謙再出兵救之。壬午，思謙自興元引兵屯鳳州。

《冊府元龜》卷一六九《納貢獻》 癸未，史弘肇獻錢萬緡、馬二十四以助軍討叛。

《資治通鑑》卷二八八 戊子，思謙進屯散關。

庚寅，思謙敗漢兵於玉女潭。

《舊五代史》卷一〇一《隱帝紀上》 奉高祖神主於西京太廟。

辛卯，羣臣上表，請以三月九日誕聖日爲嘉慶節，從之。

《資治通鑑》卷二八八 壬辰，軍于隴州神前，漢兵不出，〔韓〕保貞亦不敢進。

蜀中書侍郎兼禮部尚書、同平章事徐光溥坐以黷辭挑前蜀安康長公主，丁酉，罷守本官。

乾祐二年、遼天祿三年（己酉、九四九）

《資治通鑑》卷二八八 正月乙巳朔，大赦。

戊申夜，李守貞遣王繼勳等引精兵千餘人循河而南，襲漢柵，坎岸而登，遂入之，縱火大譟，軍中狼狽不知所爲。劉詞神色自若。

己酉，郭威至，劉詞迎馬首請罪。

《舊五代史》卷一〇二《隱帝紀中》 壬子，賜前昭義軍節度使張從恩衣一襲，金帶、鞍馬、綵帛等。

《資治通鑑》卷二八八 甲寅，蜀安思謙退屯鳳州，上表待罪，蜀主釋不問。

《舊五代史》卷一〇二《隱帝紀中》 乙卯，河府軍前奏，今月四日夜，賊軍偷斫河西寨，捕斬七百餘級。

《遼史》卷五《世宗紀》 庚申，肆赦。內外官各進一階。

《新五代史》卷一〇《隱帝紀》 二月丙子，蠲民組配租。

《舊五代史》卷一〇二《隱帝紀中》 丁丑夕，大風。

乙酉，以前房州刺史李筠夫爲鴻臚卿。

戊子，前右監門將軍喬達，及其兄契丹僞命客省使榮等皆棄市。

庚寅，徐州巡檢使成德欽奏，至峒崕鎮遇淮賊，破之，殺五百人，生擒一百二十人。

戊戌，大雨霖。

庚子，詔左諫議大夫賈緯等修撰高祖實錄。

三月丙辰，以北京衙內指揮使劉鈞爲汾州防禦使。

《資治通鑑》卷二八八 己未，以歸德牙內指揮使史德琬領忠州刺史。

《舊五代史》卷一〇二《隱帝紀中》 四月丙子，以荆南節度行軍司馬、武泰軍節度留後王保義爲檢校太尉，領武泰軍節度使，行軍如故。

丁丑，潁州獻紫兔、白兔。

辛巳，太白經天。

辛丑，幸道宮禱雨。

《資治通鑑》卷二八八 河中城中食且盡，民餓死者什五六。癸卯，李守貞出兵五千餘人，齎梯橋，分五道以攻長圍之西北隅。郭威遣都監吳虔裕引兵橫擊之，河中兵敗走，殺傷太平，奪其攻具。

《舊五代史》卷一〇二《隱帝紀中》 五月甲辰朔，故湖南節度使、檢校太尉、兼中書令、扶風郡公、贈太師馬希聲追封衡陽王。

《資治通鑑》卷二八八 丙午，守貞復出兵，又敗之，擒其將魏延期、鄭賓。

《舊五代史》卷一〇二《隱帝紀中》 戊申，以前邠州節度使安審約爲左神武統軍，以前洛京副留守袁義爲右神武統軍。

《資治通鑑》卷二八八 壬子，周光遜、王繼勳、聶知遇帥其衆千餘人來降。

《舊五代史》卷一〇二《隱帝紀中》 乙卯，河府軍前奏，今月九日，河中節度副使周光遜棄賊河西寨，與將士一千一百三十人來奔。

己未，右監門大將軍許遷上言，奉使至博州博平縣界，覩蜂生彌亘數里，一夕並化爲蝶飛去。

《資治通鑑》卷二八八 〔李〕守貞將士降者相繼，〔郭〕威乘其離散，

隋唐五代總部·綜述·後漢隱帝部

庚申，督諸軍百道攻之。

《舊五代史》卷一〇二《隱帝紀中》 辛酉，兗、鄆、齊三州奏蠅生。

乙丑，永興趙思綰遣牙將劉成詣闕乞降，制授趙思綰華州節度留後、檢校太保，以永興城內都指揮使常彥卿爲虢州刺史。

丁卯，宋州奏，蝗抱草而死。

己巳，湖南奏，蠻寇賀州，遣大將軍徐進率兵援之，戰於風陽山下，大敗蠻獠，斬首五千級。

六月癸酉朔，日有食之。

乙亥，潁州獻白鹿。

戊寅，安州節度使楊信奏，亡父光遠，蒙賜神道碑，鐫勒畢，無故中斷。詔別令斷石鐫勒。

《遼史》卷五《世宗紀》 以敝史耶律胡離軫爲北院大王。

己卯，惕隱額昱封漆水郡王。

《舊五代史》卷一〇二《隱帝紀中》 滑、濮、澶、曹、兗、淄、青、齊、宿、懷相、衛、博、陳等州奏蝗，分命中使致祭於所在川澤山林之神。

壬午，月犯心星。

辛卯，回鶻遣使貢方物。

丙申，改商州乾元縣爲乾祐縣，隸京兆府。

《資治通鑑》卷二八八 七月甲辰，趙思綰釋甲出城受詔，郭從義以兵守其南門，復遣還城。

《舊五代史》卷一〇二《隱帝紀中》 辛亥，湖南奏，析長沙縣東界爲龍喜縣，從之。

《資治通鑑》卷二八八 壬子，從義與都監、南院宣徽使王峻按轡入城，處于府舍，召思綰酌別，因執之，并常彥卿及其父兄部曲三百人，皆斬於市。

甲寅，郭威攻河中，克其外郭。

《舊五代史》卷一〇二《隱帝紀中》 丙辰，樞密使郭威奏，收復河府羅城，李守貞退保子城。

丁巳，永興都部署郭從義奏：「新除華州留後趙思綰，自今月三日授華州留後，準詔赴任，三移行期，仍要鎧甲以給牙兵，及與之，竟不遵路。至九

日夕，有部曲曹彥進告，思綰欲於十一日夜與同惡五百人奔南山入蜀。是日詰旦，再促上路，云俟夜進途。臣尋與王峻入城，分兵守四門，其趙思綰部下軍，各已執帶，遂至牙署，令趙思綰至則執之，與一行徒黨，並處置訖。」

《資治通鑑》卷二八八 壬戌，李守貞與妻及子崇勳等自焚，威入城。

癸亥，太常卿張昭上言：「宜親近儒臣，講習經訓。」不聽。

《舊五代史》卷一〇二《隱帝紀中》 甲子，樞密使郭威奏，收復河中府。

丙寅，以權涼州留後折逋嘉施為河西軍節度留後。

丁卯，前洺州團練使武漢球卒。

戊辰，永興軍節度使兼兵馬都部署郭從義加同平章事，徙華州節度使。

〔八月〕壬午，西京留臺侍御史趙礪彈奏，太子太保王延、太子洗馬張季凝等，自去年五月後來，每稱請假，俱是不任拜起。詔延等宜以本官致仕。

甲申，以陝州節度使、充河中一行兵馬都部署白文珂為西京留守，加兼侍中，潞州節度使、充河中行一副都署常思加檢校太師，以右散騎常侍盧撰為戶部侍郎致仕。

《資治通鑑》卷二八八 馬希萼悉調朗州丁壯為鄉兵，造號靜江軍，作戰艦七百艘，將攻潭州。

《新五代史》卷一〇《隱帝紀》 丙戌，郭威使來獻俘。

《資治通鑑》卷二八八 馬希廣〔略〕乃以岳州刺史王贊為都部署戰棹指揮使，〔略〕己丑，大破希萼於僕射洲，獲其戰艦三百艘。

《舊五代史》卷一〇二《隱帝紀中》 辛卯，右拾遺高守瓊上言：「仕官年未三十，請不除授縣令。」詔：「起今後諸色選人，年及七十者，宜注優散官，年少未歷資考者，不得注擬縣令。」

癸巳，以翰林學士、工部尚書張沆為禮部尚書。

乙未，宣徽南院使、永興行營兵馬都監王峻，宣徽北院使、河府行營兵馬都監吳虔裕，並加檢校太傅。

《資治通鑑》卷二八八 戊戌，郭威至大梁，入見，帝勞之，賜金帛、衣服、玉帶、鞍馬。

《遼史》卷五《世宗紀》 九月辛丑朔，召羣臣議南伐。

《資治通鑑》卷二八八 壬寅，徧賜宰相、樞密、宣徽、三司、侍衛使九

人，與威如一。

乙巳，加威兼侍中，史弘肇兼中書令。

《舊五代史》卷一〇二《隱帝紀中》 丙午，西京留守判官時彥澄、推官姜蟾、少尹崔淑並免居官，坐不隨府罷職。

己酉，以右千牛上將軍孫漢賁為絳州刺史，禮部尚書、判吏部尚書銓事王松停見任。

辛亥，宰臣竇貞固加守司徒，蘇逢吉加守司空，蘇禹珪加左僕射，楊邠加右僕射，依前兼樞密使。

太子太師致仕皇甫立卒。

癸丑，三司使王章加邑封。

乙卯，鄴都高行周加守太師，襄州安審琦加守太傅，兗州府符彥卿加守太保，北京劉崇加兼中書令。

丁巳，澶州李洪信移鎮陝州，以侍衛馬軍都指揮使、遂州節度使李洪義為澶州節度使。

己未，許州劉信加兼侍中，開封尹侯益進封魯國公，鄆州慕容彥超、青州劉銖並加兼侍中。

辛酉，靈州馮暉、夏州李彝殷並加兼中書令。

癸亥，鎮州武行德、鳳翔趙暉並加檢校太師。

乙丑，晉州王晏、同州張彥賁、邠州侯章、涇州史懿、滄州王景、延州高允權並加檢校太師。

十月庚午朔，契丹入寇。

《資治通鑑》卷二八八 壬申，加義武節度使孫方簡、武寧節度使劉贊同平章事。

《舊五代史》卷一〇二《隱帝紀中》 甲戌，皇弟、興元節度使承勳加檢校太師。

丙子，相州郭謹、貝州王繼弘、邢州薛懷讓並加檢校太尉。

庚辰，安州楊信、鄧州劉重進加檢校太師，河陽李暉加檢校太傅。

壬午，兩浙錢弘俶加守尚書令，湖南馬希廣加守太尉。

癸未，監修國史蘇逢吉、史官賈緯以所撰《高祖實錄》二十卷上之。

丙戌，荆南高保融加檢校太師、兼侍中，以殿前都部署、江州防禦使李建

爲遂州節度使，充侍衛馬軍都指揮使，以奉國左廂都指揮使、永州防禦使王殷爲夔州節度使，充侍衛步軍都指揮使。

《資治通鑑》卷二八八 楚靜江節度使馬希瞻以兄希萼、希廣交爭，屢遣使諫止，不從，知終覆族，疽發于背，丁亥，卒。

契丹寇河北，所過殺掠，節度使、刺史各嬰城自守。遊騎至貝州及鄴都之北境，帝憂之。己丑，遣樞密使郭威督諸將禦之，以宣徽使王峻監其軍。

《舊五代史》卷一〇二《隱帝紀中》 庚寅，府州折從阮進封岐國公，豐州郭勳進封號國公。

十一月壬寅，鄴州留後王饒加檢校太傅。

《資治通鑑》卷二八八 契丹聞漢兵渡河，乃引去。辛亥，郭威軍至鄴都，令王峻分軍趣鎮、定。

《舊五代史》卷一〇二《隱帝紀中》 癸丑，以吳越國王錢弘俶母吳氏爲順德太夫人。

乙卯，以大府卿劉暉爲宗正卿。

《資治通鑑》卷二八八 戊午，威至邢州。

《舊五代史》卷一〇二《隱帝紀中》 十二月庚午朔，湖南奏，靜江軍節度使馬希瞻以今年十月十八日卒，廢朝二日。

辛未，日暈三重。

戊寅，司徒、門下侍郎、平章事實貞固奏，請修晉朝實錄，詔史官賈緯、竇儼、王伸等修撰。以禮部尚書張沆復爲翰林學士。

壬午，皇帝二十一姊、永寧公主進封秦國長公主。

《資治通鑑》卷二八八 楊邠爲政苛細。

辛卯，邠復奏：「前資官宜分居兩京，以俟有闕而補之。」

趙暉急攻鳳翔。

癸巳，未明，〔公孫〕輦、〔張〕思練燒東門請降，府牙火亦發，二將遣人謂之，景崇已與家人自焚矣。

丁酉，密州刺史王萬敢擊唐海州荻水鎮，殘之。

乾祐三年、遼天祿四年（庚戌、九五〇）

《舊五代史》卷一〇三《隱帝紀下》 正月己亥朔，帝不受朝賀。

《新五代史》卷一〇《隱帝紀》 丙午，郭威進添都馬。

《舊五代史》卷一〇三《隱帝紀下》 丁未，鳳翔節度使、充西南行營都部署趙暉加兼侍中。

戊申，密州刺史王萬敢奏，奉詔領兵入海州界，至荻水鎮，俘掠焚蕩，更請益兵。詔前沂州刺史郭瓊率禁軍赴之。

庚戌，前永興軍節度副使安友規除名，流登州沙門島。

《新五代史》卷一〇《隱帝紀》 壬子，趙暉獻馘俘。

《舊五代史》卷一〇三《隱帝紀下》 癸亥，以前邠州節度使宋彥筠爲太子太師致仕。

《資治通鑑》卷二八九 丙寅，遣使詣河中、鳳翔收瘞戰死及餓殍遺骸，時有僧已聚二十萬矣。

《遼史》卷五《世宗紀》 二月辛未，泰寧王察割來朝，留侍。

《新五代史》卷一〇《隱帝紀》 甲戌，旌表潁州汝陰民麴溫門閭。

《舊五代史》卷一〇三《隱帝紀下》 辛巳，青州奏，郭瓊部署兵士，自海州迴至當道。

甲申，樞密使郭威巡邊迴。

丁亥，汝州防禦使劉審交卒。

《資治通鑑》卷二八九 福州人或詣建州告唐永安留後查文徽，云吳越兵已棄城去，請文徽爲帥。

庚寅，文徽至福州，吳越知威武軍吳程詐遣數百人出迎。

甲午，吳越丞相、昭化節度使、同平章事杜建徽卒。

乙未，以前永興節度使趙匡贊爲左驍衛上將軍。

《遼史》卷五《世宗紀》 三月戊戌朔，南唐遣趙延嗣、張福等來賀南征捷。

《舊五代史》卷一〇三《隱帝紀下》 己亥，徐州部送所獲淮南都將

李暉等三十三人徇于市，給衫帽放還本土。

《資治通鑑》卷二八九 丙午，嘉慶節，鄴都留守高行周、天平節度使

慕容彥超、泰寧節度使符彥卿、昭義節度使常思、安遠節度使楊信、安國節度使薛懷讓、成德節度使武行德、彰德節度使郭謹，保大留後王饒皆入朝。

《新五代史》卷一〇《隱帝紀》 己酉，寒食，望祭于南御園。

《資治通鑑》卷二八九 甲寅，詔營寢廟於高祖長陵、世祖原陵，以時致祭。

《舊五代史》卷一〇三《隱帝紀下》 戊午，宴羣臣於永福殿，帝初舉樂。

壬戌，鄴都高行周移鎮鄆州，兗州符彥卿移鎮青州，並加邑封。

甲子，西京留守白文珂、潞州常思、鎮州武行德並進邑封，鄆州慕容彥超移鎮兗州。

四月戊辰朔，邢州薛懷讓移鎮同州，相州郭謹、河陽李暉並進邑封。

庚午，府州折從阮移鎮鄧州。

辛未，故深州刺史史萬山贈太傅。

壬申，華州劉詞移鎮邢州，安州楊信移鎮鄆州，貝州王令溫移鎮安州，並加邑封。以鄆州留後王饒為華州節度使，以其來朝故也。

丁丑，尚食奉御王紹隱除名，流沙門島，坐匿軍營女口也。

辛巳，以宣徽北院使吳虔裕為鄭州防禦使。

壬午，以樞密使郭威鄴都留守，依前樞密使。

癸未，府州永安軍額宜停，命降為團練州。

戊子，翰林學士承旨、戶部尚書王仁裕罷職，守兵部尚書。

庚寅，以西南面水陸轉運使、尚書工部侍郎李穀為陳州刺史。

《資治通鑑》卷二八九 壬辰，以左監門衛將軍郭榮為貴州刺史、天

雄牙內都指揮使。

《舊五代史》卷一〇三《隱帝紀下》 甲午，以前華州節度使安審信

為左衛上將軍，以前潞州節度使張從恩為右衛上將軍。

五月戊戌朔，帝御崇元殿受朝。

《資治通鑑》卷二八九 己亥，以府州蕃漢馬步都指揮使折德良為本

州團練使。

庚子，郭威辭行。

辛丑，敕：「防禦、團練使，自非軍期，無得專奏事，皆先申觀察使斟酌以聞。」

丙午，以皇弟、山南西道節度使承勳為開封尹，加兼中書令，實未出閣。

平盧節度使劉銖，貪虐恣橫，朝廷欲徵之，恐其拒命，因沂、密用兵於唐，遣沂州刺史郭瓊將兵屯青州。銖不自安。

庚戌，銖入朝。

辛亥，以瓊為潁州團練使。

癸丑，王章置酒會諸朝貴。

《舊五代史》卷一〇三《隱帝紀下》 甲子，詔：「諸道州府差置散從

官，大府五百人，上州三百人，下州二百人，勒本處團集管係，立節級檢校教習，以警備州城。」

閏月癸巳，京師大風雨，壞營舍，吹鄭門扉起，十數步而墮，拔大木數十，

震死者六七人，水平地尺餘，池隄皆溢。

六月庚子，以國子祭酒田敏為尚書右丞。

癸卯，太僕卿致仕謝攀卒，輟視朝一日。鄭州奏，河決原武縣界。

乙卯，司天臺上言，鎮星逆行，至太微左掖門外。

七月庚午，河陽奏，河漲三丈五尺。

乙亥，滄州奏，積雨約一丈二尺。安州奏，溝河泛溢，州城內水深七尺。

丙子，帝御崇元殿，授皇太后冊，命宰臣蘇逢吉行禮。

辛巳，三司使奏：「州縣令錄佐官，請據戶籍多少，量定俸戶：縣三千戶已上，令月十千，主簿八千。二千戶已上，令月八千，主簿五千。二千戶已下，令月六千，主簿四千。每戶月出錢五百，並以管內中等戶充。錄事參軍、判司俸錢，視州界令佐，取其多者給之，其俸戶與免縣司差役。」從之。

《資治通鑑》卷二八九 馬希萼又遣羣蠻攻迪田，八月戊戌，破之，殺

其鎮將張延嗣。

庚子，蜀主立其弟仁毅為夔王，仁贊為雅王，仁裕為彭王，仁操為嘉王。

己酉，立子玄喆為秦王，玄珏為褒王。

《舊五代史》卷一〇三《隱帝紀下》 辛亥，以蒙州城隍神為靈感王，

從湖南請也。

《資治通鑑》卷二八九 晉李太后在建州，卧病，無醫藥，惟與晉主仰天號泣。

戊午，卒。

《舊五代史》卷一〇三《隱帝紀下》 辛酉，給事中陶穀上言，請停五日內殿轉對，從之。

壬戌，以兵部侍郎于德辰爲御史中丞，邊蔚爲兵部侍郎。

《遼史》卷五《世宗紀》 九月乙丑朔，如山西。

《資治通鑑》卷二八九 馬希萼表請別置進奏務於京師。

辛巳，詔以湖南已有進奏務，不許。亦賜楚王希廣詔，勸以敦睦。

《冊府元龜》卷一六〇《革弊二》 甲申，詔：「諸道州府自行軍、副使已下，至令、錄、佐、掾，不得於本部內影庇人戶，名爲伏事。」自是州縣舊舍職役人除籍放之。

《舊五代史》卷一〇三《隱帝紀下》 十月己亥，帝狩於近郊。

丙午，湖南馬希廣遣使上章，且言荆南、淮南、廣南三道結構，欲分割湖、湘，乞聊發兵師，以爲援助。時朝廷方議起軍，會內難，不果行。

丁未，兩浙錢弘俶加諸道兵馬元帥。

戊申，彰德軍節度使郭謹卒。

癸丑，以前同州節度使張彥濟爲相州節度使。

辛酉，月犯心大星。

十一月甲子朔，日有蝕之。

乙丑，永州唐將軍祠贈太保，從湖南請也。

己巳，日南至，帝御崇元殿受朝賀，仗衛如式。

辛未，詔侍衛步軍都指揮使王殷將兵屯澶州。

《資治通鑑》卷二八九 司空、同平章事蘇逢吉既與（史）弘肇有隙，知李業等怨弘肇，屢以言激之。

乙亥，業等以其謀告閭胥卿，胥卿恐事不成，詣弘肇第欲告之，弘肇以他故辭不見。

丙子旦，（楊）邠等入朝，有甲士數十自廣政殿出，殺邠、弘肇、（王）章於

東廡下。

《舊五代史》卷一〇三《隱帝紀下》 日將午，載楊邠等十餘尸，分暴於南北市。

是日，帝遣腹心齋密詔往澶州、鄴都，令澶州節度使李洪義誅侍衛步軍都指揮使王殷，令鄴都屯駐護聖左廂都指揮使郭崇、奉國左廂都指揮使曹英害樞密使郭威及宣徽使王峻。

丁丑，澶州節度使李洪義受得密詔，知事不克，乃引使人見王殷。殷與洪義遣本州副使陳光穗齋所受密詔，馳至鄴都。郭威得之，即召王峻、郭崇、曹英及諸軍將校，至牙署視詔。

將校等請威入朝，以除君側之惡，共安天下。

郭威以衆南行。戊寅，鄴兵至澶州。

《資治通鑑》卷二八九 己卯，吳虔裕入朝。

《舊五代史》卷一〇三《隱帝紀下》 庚辰，至滑州，節度使宋延渥開門迎降。

辛巳，帝之小豎鸞脫自北迴。

壬午，鄴軍至封丘。慕容彥超自鎮馳至，帝遂以軍旅之事委之。

慕容彥超以大軍駐於七里郊，掘塹以自衛，都下率坊市出酒食以餉軍。

癸未，車駕勞軍，即日還宮。

甲申，車駕復出，幸七里店軍營。

彥超輕脫，先擊北軍，郭威命何福進、王彥超、李筠等大合騎以乘之。彥超退却，死者百餘人，於是諸軍奪氣，稍稍奔於北軍。吳虔裕、張彥超等相繼而去，慕容彥超以部下十數騎奔兗州。是夜，帝與宰臣從官宿於野次，侯益、焦繼勳潛奔鄴軍。

乙酉旦，帝策馬至玄化門，劉銖在門上，問帝左右：「兵馬何在？」乃射左右。帝迴，與蘇逢吉、郭允明詣西北村舍，郭允明知事不濟，乃剗刃於帝而崩。

是日，周太祖自迎春門入，諸軍大掠，煙火四發，翌日至晡方定。

後周太祖部（起公元九五〇年，迄公元九五四年）

《舊五代史》卷一一〇《太祖紀一》 太祖聖神恭肅文武孝皇帝，姓郭氏，諱威，字文仲，邢州堯山人也。

皇考諱簡，漢贈太師，追尊爲章肅皇帝，廟號慶祖，陵曰欽陵。皇妣燕國夫人王氏，追諡爲章德皇后。

乾祐三年、遼天祿四年（庚戌、九五〇）

《資治通鑑》卷二八九 十一月丙戌，獲劉銖、李洪建，囚之。

丁亥，郭威帥百官詣明德門起居太后，且奏稱：「軍國事殷，請早立嗣君。」

己丑，郭威帥百官表請以贇承大統。太后誥所司，擇日，備法駕迎贇即皇帝位。

庚寅，郭威帥百官上言：「比皇帝到闕，動涉浹旬，請太后臨朝聽政。」

《舊五代史》卷一〇三《隱帝紀下》 辛卯，河北諸州馳報，契丹深入。

《資治通鑑》卷二八九 壬辰，太后始臨朝，以王峻爲樞密使，袁義爲宣徽南院使，王殷爲侍衛馬步軍都指揮使，郭崇威爲侍衛馬軍都指揮使，曹威爲侍衛步軍都指揮使，陳州刺史李穀權判三司。

《舊五代史》卷一〇三《隱帝紀下》 十二月甲午朔，郭威領大軍北征。

丁酉，以翰林學士、尚書戶部侍郎、知制誥范質爲樞密副使。

壬寅，湖南上言，朗州馬希萼引五谿蠻及淮南洪州軍來攻當道，望量差兵士於淮境牽引。

《資治通鑑》卷二八九 甲辰，朗州步軍指揮使武陵何敬真等以蠻兵三千陳于楊柳橋。

《舊五代史》卷一〇三《隱帝紀下》 乙巳，遣前淄州刺史陳恩讓領軍入淮南界，以便宜進取。

《資治通鑑》卷二八九 希崇迎希萼入府視事，閉城，分捕希廣及掌書記李弘皋、弟弘節、都軍判官唐昭胤及鄧懿文、楊滌等，皆獲之。

丙午，希萼命內外巡檢侍衛指揮使劉賓禁止焚掠。

丁未，希萼自稱天策上將軍、武安武平靜江寧遠等軍節度使、楚王。

戊申，賜希廣死。

武寧節度使贇留右都押牙鞏延美、元從都教練使楊溫守徐州，與馮道等西來。

己酉，威聞之，即引兵行，趣澶州。

辛亥，遣蘇禹珪如宋州迎嗣君。

壬子，郭威渡河，館于澶州。

癸丑旦，將發，將士數千人忽大譟，威命閉門，將士踰垣登屋而入曰：

「天子須侍中自爲之，將士已與劉氏爲仇，不可立也！」或裂黃旗以被威體，共扶抱之，呼萬歲震地，因擁威南行。

丙辰，至韋城，下書撫諭大梁士民。

戊午，威至七里店，竇貞固帥百官出迎拜謁，因勸進。威營於皋門村。

己未，太后誥，廢贇爲湘陰公。

庚申，太后誥，以待中監國。

壬戌夜，監國營有步兵將校醉，揚言曩者澶州騎兵扶立，今步兵亦欲扶立，監國斬之。

廣順元年、遼應曆元年（辛亥、九五二）

《遼史》卷五《世宗紀》 正月癸亥朔，如百泉湖。

《新五代史》卷一一《太祖紀》 丁卯，皇帝即位，大赦，改元，國號周。

《資治通鑑》卷二九〇 戊辰，以前復州防禦使王彥超權武寧節度使。

漢李太后遷居西宮，己巳，上尊號曰昭聖皇太后。

《舊五代史》卷一一〇《太祖紀一》 辛未，有司上言：「皇帝爲故主

舉哀日，服縞素，直領深衣、腰經等。成服畢祭奠，不視朝七日，坊市禁音樂。文武內外臣僚成服後，每日赴太平宮臨，三日止，七日釋服。至山陵啓攢塗日，服初服，輜車出城，班辭釋服。」從之。

壬申，前博州刺史李筠受宣權滑州節度使。

癸酉，樞密使、檢校太傅王峻加同平章事，以前澶州節度使李洪義爲宋州節度使，加同平章事。以滑州節度副使陳觀爲左散騎常侍，鄴都留守判官王溥爲左諫議大夫，並充樞密院直學士。以元從都押衙鄭仁誨爲客省使，知客押牙向訓爲宮苑使。

乙亥，鄆州節度使、守太師、兼中書令、齊王高行周進位尚書令，襄州節度使、檢校太師、守太傅、兼中書令、齊國公安審琦進封南陽王，青州節度使、檢校太師、守太保、兼中書令、魏國公符彥卿進封淮陽王，夔州節度使、侍衛親軍馬步軍都指揮使、檢校太傅王殷加同平章事，充鄴都留守，典軍如故。

丙子，帝赴太平宮，爲漢隱帝發喪，百官陪位如儀。

丁丑，荆南高保融奏：「去年十一月，朗州節度使馬希萼破潭州，十二月十八日，縊殺馬希廣，至十九日，希萼自稱天策上將軍，武平靜江寧遠等軍節度使、嗣楚王。」

《資治通鑑》卷二九〇 戊寅，殺湘陰公於宋州。

劉崇即皇帝位於晉陽，仍用乾祐年號，所有者并、汾、忻、代、嵐、憲、隆、蔚、沁、遼、麟、石十二州之地。

己卯，以太師馮道爲中書令，加實貞固侍中，蘇禹珪司空。

《舊五代史》卷一一〇《太祖紀一》 庚辰，故樞密使、左僕射、平章

事楊邠追封恒農郡王，故宋州節度使兼侍衛親軍都指揮使史弘肇追封鄭王，故三司使、檢校太尉、平章事王章追封瑯琊郡王。

辛巳，鎮州武行德、晉州王晏、相州張彥成、潞州常思、邠州侯章並加兼侍中，以侍衛馬軍都指揮使、果州防禦使、檢校太保郭崇爲洋州節度使、檢校太傅，典軍如故，以侍衛步軍都指揮使、岳州防禦使曹英爲利州節度使、檢校太傅，典軍如故。

癸未，涇州史懿、延州高允權、滄州王景、永興郭從義、定州孫方簡並加兼侍中，鄆州楊信、同州薛懷讓、貝州王繼弘並加同平章事。

乙酉，華州王饒、河中扈彥珂、鄆州折從阮、邢州劉詞並加同平章事。

丙戌，幸西莊。潞州奏，得石會闢使王延美報，河東劉崇於正月十六日僭號。

丁亥，以前澶州節度使李洪義爲宋州節度使，加同平章事。以曹州防禦使、北面行營馬步都排陣使何福進爲許州節度使，加檢校太傅。以博州刺史、北面行營右廂排陣使李筠爲滑州節度使，加檢校太保。

戊子，有司上言：「准赦書，以晉、漢之胄爲二王後，其唐五廟仲祀合廢。」從之。

庚寅，宗正寺奏：「請依晉、漢故事，遷漢七廟神主入昇平宮，行仲享之禮，以漢宗子爲三獻。」從之。

二月癸巳朔，以樞密副使、尚書戶部侍郎范質爲兵部侍郎，依前充職。以陳州刺史、判三司李穀爲戶部侍郎，判三司。以右金吾大將軍、充街使程光鄴爲左千牛衛上將軍，充宣徽北院使。以宣徽北院使袁義爲左武衛上將軍，充宣徽南院使。以左右金吾大將軍、充街使符彥琳爲右監門上將軍。

丁酉，以皇子、天雄軍牙內都指揮使、檢校右僕射、貴州刺史榮起復爲澶州節度使、檢校太保，以右金吾上將軍薛可言爲右龍武統軍，以左神武統軍安審約爲左羽林統軍，以左驍衛上將軍趙贊爲右羽林統軍，以太子太師致仕宋彥筠爲左衛上將軍。

《資治通鑑》卷二九〇 戊戌，北漢兵五道攻晉州，節度使王晏閉城

不出。劉承鈞以爲怯，蟻附登城。晏伏兵奮擊，北漢兵死傷者千餘人。

《舊五代史》卷一一一《太祖紀二》 己亥，以左武衛上將軍劉遂凝

爲左神武統軍，以左衛上將軍焦繼勳爲右神武統軍，以左領軍衛上將軍史佐爲右衛上將軍。

庚子，故吳國夫人張氏追贈貴妃，故皇第三女追封樂安公主，故第二子青哥贈太保，賜名侗，第三子意哥贈司空，賜名信，故長婦劉氏追封彭城郡夫人。

辛丑，西州回鶻遣使貢方物。癸卯，以前中書侍郎兼戶部尚書、平章事李濤爲太子賓客。詔宣徽南院使袁義權知開封府事，以太子太保和凝爲太子太傅。

《資治通鑑》卷二九〇 隰州刺史許遷遣步軍都指揮使孫繼業迎擊

北漢兵於長壽村，執其將程筠等，殺之。

甲辰，楚王希尊遣掌書記劉光輔入貢于唐。

《舊五代史》卷一一一《太祖紀二》 丙午，晉州王晏奏，河東劉崇遣僞招討使劉鈞、副招討使白截海，率步騎萬餘人來攻州城，以今月五日五道齊攻，率州兵拒之，賊軍傷死甚衆。

丁未，左千牛將軍朱憲使契丹迴。

《資治通鑑》卷二九〇 戊申，敕前資官各聽自便居外州。

《舊五代史》卷一一一《太祖紀二》 己酉，有司議立四親廟，從之。

辛亥，以太子少傅楊凝式爲太子少師，以太常卿張昭爲戶部尚書，以尚書左丞王易爲禮部尚書，以兵部侍郎邊蔚爲太常卿，以翰林學士、中書舍人魚崇諒爲工部侍郎充職。以戶部侍郎韋勳爲兵部侍郎，以刑部侍郎邊歸讞爲戶部侍郎，以禮部侍郎司徒詡爲刑部侍郎，以祕書監趙上交爲禮部侍郎，以兵部尚書王仁裕爲太子少保，以翰林學士、禮部尚書張沆爲刑部尚書充職。以尚書右丞田敏爲左丞，以吏部侍郎段希堯爲工部尚書，以太子詹事馬裔孫爲太子賓客。前鄜州節度使劉重進，前滑州節度使宋延渥，並加食邑。吐渾府留後王全德加檢校太保，充憲州刺史。

《新五代史》卷一一一《太祖紀》 癸丑，寒食，望祭于蒲池。

丁巳，尚書左丞田敏使于契丹。回鶻使摩尼來。

《舊五代史》卷一一一《太祖紀二》 己未，天德軍節度使、號國公郭勳加同平章事，以前宗正卿劉暉爲衛尉卿。

辛酉，以衛尉卿邊光範爲祕書監，以前吏部侍郎李詳爲吏部侍郎，以前戶部侍郎顏衍爲尚書右丞。

三月壬戌朔，前西京留守李從敏卒。

《資治通鑑》卷二九〇 丙寅，遣前淄州刺史陳思讓將兵戍磁州，扼黃澤路。

《舊五代史》卷一一一《太祖紀二》 戊辰，以前左武衛上將軍李懷忠爲太子太傅致仕，以前邢州節度使安審暉爲太子太師致仕。

辛未，幸南莊。

《資治通鑑》卷二九〇 楚王希尊既得志，多思舊怨，殺戮無度，晝夜縱酒荒淫，悉以軍府事委馬希崇。

希尊以府舍焚蕩，命朗州靜江指揮使王逵、副使周行逢帥所部兵千餘人治之，執役甚勞，又無犒賜，士卒皆怨。

壬申旦，帥其衆各執長柯斧、白梃，逃歸朗州。時希尊醉未醒，左右不敢白。

癸酉，始白之。希尊遣湖南指揮使唐師翥將千餘人追之。

《新五代史》卷一一一《太祖紀》 甲戌，武寧軍節度使王彥超克徐州。

《資治通鑑》卷二九〇 丙子，敕：「朝廷與唐本無仇怨，緣淮軍鎮，各守疆域，無得縱兵民擅入唐境，商旅往來，無得禁止。」

《冊府元龜》卷八一《慶賜三》 丁丑，賜宰臣、樞密使及諸軍都較鞍馬、金玉帶、衣服各有差。

《舊五代史》卷一一一《太祖紀二》 己卯，潞州奏，涉縣所擒河東將士二百餘人，部送赴闕。詔給衫袴巾履，放歸本土。

《冊府元龜》卷八一《慶賜三》 辛巳，大赦內外見任文武職官、致仕官及諸軍將較，并與加恩。其前任京官、幕職、州縣官，至合授官日施行。

《冊府元龜》卷一一一《宴享三》 壬午，宴羣臣於廣政殿。

《舊五代史》卷一一一《太祖紀二》 甲申，鎮州武行德移鎮許州，何福進移鎮鎮州。

丙戌，以襄州節度副使郭令圖爲宗正卿。

己丑，幸南莊。

庚寅，唐故郇國公李從益追封許王，唐明宗淑妃王氏追贈賢妃。

辛卯，詔：「諸道節度副使、行軍司馬、兩京少尹、留守判官，並許差定當直，人力不得過十五人。諸府少尹、書記、支使、防禦團練副使，不得過十人。節度推官、防禦團練軍事判官，不得過七人，逐處係帳收管。此外如敢額外影占人戶，其本官當行朝典。」

四月壬辰朔，詔沿淮州縣，許淮南人就淮北糴易餼糧，時淮南饑故也。

甲午，以夫人董氏爲德妃，仍令所司備禮冊命。

《冊府元龜》卷二二八《明賞二》 乙未，以前景州刺史姚武爲申州刺史，前乾州刺史張昭瑀爲博州刺史，前遼州刺史劉洪爲衛州刺史，前萊州刺史符彥熊爲耀州團練使，前淄州刺史藥元福爲陳州刺史，皆以平徐方預軍功也。

《舊五代史》卷一一一《太祖紀二》 己亥，改侍衛馬步軍軍額。馬軍舊稱護聖，今改爲龍捷。步軍舊稱奉國，今改爲虎捷。

壬寅，詔唐莊宗、明宗、晉高祖三處陵寢，各有守陵宮人，並放逐便。如願在陵所者，依舊供給。

甲辰，相州張彥成移鎮鄆州，折從阮移鎮滑州，李筠移鎮相州。

丙午，亳州防禦使王重裔卒。

《資治通鑑》卷二九〇 蜀通奏使高延昭固辭知樞密院，丁未，以前雲安權鹽使太原伊審徵爲通奏使，知樞密院事。

《舊五代史》卷一一一《太祖紀二》 戊申，幸南莊。

庚戌，皇第四女封壽安公主。

辛亥，故許州節度使劉信追封蔡王。

《冊府元龜》卷一六九《納貢獻》 壬子，兗州慕容彥超獻龍鳳鞍轡御馬、縑帛、賀冊德妃。高保融又貢端午銀絹、青于扇等。

《舊五代史》卷一一一《太祖紀二》 丙辰，詔曰：「牧守之任，委遇非輕，分憂之務既同，制祿之數宜等。自有富庶之郡，請給則優，或邊遠之

州，俸料素薄。以至遷除之際，擬議亦難，既論資敘之高低，又患祿秩之升降。所宜分多益寡，均利同恩，冀無黨偏，以勸勳効。今定諸防禦使料錢二百貫，祿粟一百石，食鹽五十石，馬十四匹，草粟，元隨三十人衣糧。團練使一百五十貫，祿粟七十石，鹽五十石，馬十四匹，元隨三十人。刺史一百貫，祿粟五十石，鹽五十石，馬五匹，元隨二十人。」云。

丁巳，尚書左丞田敏使契丹迴，契丹主元欲遣使齎姑報命，并獻碧玉金塗銀裏鞍勒各一副，弓矢、器械、貂裘等，土產馬三十匹，土產漢馬十四匹。

庚申，帝爲故貴妃張氏舉哀於舊宮，輟視朝三日。

辛酉，司空致仕盧文紀卒。

五月壬戌朔，帝不視朝，以漢隱帝梓宮在殯故也。

《遼史》卷五《世宗紀》 太子太傅趙瑩薨，輟朝一日，命歸葬于汴。詔州縣錄事參軍、主簿，委政事省鈐注。

《冊府元龜》卷一六九《納貢獻》 甲子，鎮州武行德來朝，獻粟二萬石。

《舊五代史》卷一一一《太祖紀二》 戊辰，皇子、澶州節度使榮起

復，依前澶州節度使，以故貴妃張氏去歲薨，至是發哀故也。

己巳，遣左金吾衛將軍姚漢英、前右神武將軍華光裔使于契丹。

辛未，太常卿邊蔚上追尊四廟諡議。

《資治通鑑》卷二九〇 北漢禮部侍郎、同平章事鄭珙卒于契丹。

甲戌，義武節度使孫方簡避皇考諱，更名方諱。

《舊五代史》卷一一一《太祖紀二》 丙子，太常卿邊蔚上太廟四室奠獻舞名。

丁丑，詔京兆、鳳翔府，應諸色犯事人第宅、莊園、店磴已經籍沒者，並給付罪人骨肉。

壬午，幸南莊。

甲申，考城縣巡檢、供奉官馬彥勅棄市，坐匿赦書殺獄囚也。

丙戌，宰臣馮道爲四廟冊禮使。

《冊府元龜》卷一二四《修武備》 戊子，河陽李暉言奉詔置水軍五百。詔諸州於州兵內選勇壯并家屬赴京師。

《遼史》卷五《世宗紀》 六月辛卯朔，劉崇爲周所攻，遣使稱姪，乞援，且求封冊。即遣燕王牒螭、樞密使高勳冊爲大漢神武皇帝。

南唐遣蔣洪來，乞舉兵應援。

《舊五代史》卷一一一《太祖紀二》 不視朝，以漢隱帝梓宮在殯故也。

甲午，百僚上表，請以七月二十八日皇帝降聖日爲永壽節，從之。

己亥，太常少卿劉悅上漢少帝諡曰隱皇帝，陵曰穎陵，從之。

辛亥，以樞密使王峻爲尚書左僕射兼門下侍郎、同平章事，監修國史，充樞密使。以樞密副使、尚書兵部侍郎范質爲中書侍郎、同平章事，充集賢殿大學士。以戶部侍郎、判三司李穀爲中書侍郎、同平章事，判三司。司徒兼侍中、監修國史竇貞固，司空兼中書侍郎、同平章事、集賢殿大學士蘇禹珪，並罷相守本官。

壬子，幸西莊。

癸丑，詔宰臣范質參知樞密院事。

丙辰，西京奏，新授宗正卿郭令圖卒。

丁巳，以尚書左丞顏衍爲兵部侍郎，充端明殿學士，以宣徽北院使翟光